

**I. ATALA****BIZKAIKO LURRALDE HISTORIKOKO FORU ADMINISTRAZIOA****Bizkaiko Foru Aldundia****Euskara eta Kultura Saila**

Bizkaiko Foru Aldundiaren 13/2019 FORU DEKRETUA, otsailaren 26koa. Honen bidez, Foru Aldundiaren diru-laguntzen oinarriak eta deialdia onartzen dira, 5.000 biztanle baino gutxiagoko Bizkaiko udalerriek 2019ko ekitaldian kultur jarduerak egiteko.

Euskal Autonomi Erkidego Osorako Erakundeen eta Lurralde Historikoetako Foru Erakundeen arteko Harremani buruzko 1983ko azaroaren 25eko 27/1983 Legeak, bere 7.a.13) artikuluan, eskumen eksklusiboa ematen die lurralde historikoei, besteak beste, Lurralde Historikoaren interesekoak diren kultur erakundeak sortu eta mantentzeko.

Bizkaiko Foru Aldundiaren 2018ko martxoaren 6ko 22/2018 Foru Dekretuak, zeinak Bizkaiko Foru Aldundiko Euskara eta Kultura Sailaren egitura organikoari buruzko erregelamendua onesten duen, sail horri eskumen hau esleitzen dio: Bizkaian kultura sustatu eta zabaltzea, gure kulturaren ezagutza eta garapenetik abiatuta eta beste kultura guztiei atea zabalduz.

Bizkaiko Lurralde Historikoan kultura-eskaintza orekatu bat sustatzeko orduan, Foru Aldundiak badaki zaila dela eskaintza hori gauzatzea demografiaren aldetik txikiagoak diren udalerrietan; izan ere, halako jarduerak antolatzeko baliabide material eta ekonomiko gutxiago dituzte. Hori dela-eta, foru dekretu honen bidez, demografikoki txikiagoak diren udalerrietako kultur programazioari laguntza emateko lerro bat ezartzen da. Horregatik, diru-laguntza hauek 5.000 biztanletik beherako udalerrientzat baino ez dira; horrez gainera, kolektibo horren barruan, foru dekretu honek oinarri duen kultur politikarekin bat etorrira, bereziki lagunduko zaie biztanle gutxien dituzten udalerriek, udalerririk horietan kultur bizitza egokia sortzeko behar duten laguntza emateko.

Foru dekretu honek bete egiten ditu erregulazio onaren printzipioak; printzipio horiek Administrazio Publikoen Administrazio Prozedura Erkidearen 2015eko urriaren 1eko 39/2015 Legean aurrez ikusten dira eta Bizkaiko Foru Aldundiaren 2017ko urtarrilaren 17ko 2/2017 Foru Dekretuaren 3. artikuluan jasotzen dira (dekretu horren bidez, Bizkaiko Foru Aldundian xedapen orokorrak egiteko prozedura arautzen da).

Foru dekretu horretan xedatutakoa kontuan hartuta, txosten hauek eman dira foru dekretu hau egin denean:

1. Proiektua sustatu duen sailaren txosten juridikoa.
2. Generoaren eraginaren aurretiazko ebaluazioari buruzko txostena.
3. Kontrol ekonomikoari buruzko txostena.
4. Legezketasunari buruzko txostena.

Bizkaiko Kondaira Lurraldeko Foru Erakundeen Hautapen, Antolaketa, Erregimen eta Funtzionamenduari buruzko 1987ko otsailaren 13ko 3/1987 Foru Arauaren 39.k) artikulua ezartzen du foru diputatuen eskumena dela, besteak beste, Foru Aldundiari proposamenak aurkeztea haien sailtako gaietarako buruzko foru dekretuen proiektuak onar ditzan. Bestalde, Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Arauaren 16.1 artikulua ahalmena ematen dio Bizkaiko Foru Aldundiari diru-laguntzen emakida arautuko duten oinarriak onesteko. Eta Diru-laguntzen Erregelamendua onesten duen Bizkaiko Foru Aldundiaren 2010eko martxoaren 23ko 34/2010 Foru Dekretuaren 41.1 artikulua aukera ematen du diru-laguntzen oinarri arautzaileak eta deialdia batera izapidetzeko, eta ezartzen du Bizkaiko Foru Aldundiaren Gobernu Kontseiluari dagokiola onartzea, egintza bakarrean.

Hori dela bide, Euskara eta Kultura Saileko foru diputatuaren ekimenez, eta aurrez Bizkaiko Foru Aldundiak 2019ko otsailaren 26(e)ko bileran aztertutik, honako hau



XEDATZEN DUT:

Artikulu bakarra.—Foru Aldundiaren diru-laguntza batzuen oinarriak eta deialdi publikoa onartzea

5.000 biztanle baino gutxiagoko Bizkaiko udalerriek 2019ko ekitaldian kultur jarduerak egiteko, Euskara eta Kulturako Foru Sailak emango dituen diru-laguntzetarako oinarri arautzaileak eta deialdia onartzen dira. Ondoren jasotzen da oinarrien eta deialdiaren testua.

I. TITULUA

XEDAPEN OROKORRAK**1. oinarria.—Diru-laguntzaren xedea**

1. Foru dekretu honen arabera, diru-laguntza jaso ahal dute arlo hauetako kultura-sustapen eta -zabalkundearekin lotura zuzena duten kultur jarduerak:
 - a) Folklorea.
 - b) Arte eszenikoak: musika, dantza eta antzerkia.
 - c) Ikusizko eta ikus-entzunezko arteak.
 - d) Literatur sustapena.

Diru-laguntzaren eskabidean aurkeztutako proiektuak 2019ko ekitaldiaren barruan gauzatu beharko dira.

2. Foru dekretu honen aplikazio-eremutik kanpo geratzen dira honako hauek:
 - a) Ikasketa-bidaiak, txangoak, eta kulturaren sustapen eta zabalkundeari zuzenean ez dagozkion bidaiak eta bisitaldiak.
 - b) Nekazaritza edo artisautza azokak eta sukaldaritza txapelketa eta jarduerak.
 - c) Aisialdi, astialdi eta atsedendiko jarduerak (besteak beste, udako kanpamentuetako egonaldiak, umeen gabonetako parkeetarako bisitak, ludotekak, etab.), kirol jarduerak eta gizarte eta osasun arlokoak.
 - d) Udalerriko turismoa sustatzeko jarduerak.
 - e) Berariaz haurrentzat eta adinekoentzat antolatutako jarduerak.
 - f) Disko, liburu, dvd edo antzekoen ekoizpena edo edizioa.
 - g) Euskara sustatzeko aldizkariak.
 - h) Kultura-ondarearekin —materiala eta inmateriala— lotutako proiektuak eta jarduerak.
 - i) Araztu ondoren, gastuen aurrekontua hiru mila (3.000) eurotik beherakoa duten proiektuak.
 - j) Sexuaren araberako diskriminazioa egiten duten jarduerak edo proiektuak.
 - k) Foru dekretu honen 1.1 oinarrian jasotako esku-hartze eremuen barruan sartzen ez diren jarduera guztiak.

3. Diruz laguntzeko gastutzat joko dira batere zalantzarik gabe lagundutako jardueraren izaerarekin bat datozenak, guztiz beharrezkoak direnak eta ezarritako epearen barruan egiten direnak, baina diru-laguntza jaso dezaketen gastuen eskuraketa-kostua ezin da inola ere izan merkatuko balioa baino handiagoa.

Diruz lagundu daitezkeen gastuei dagokienez, diru-laguntza eskatu duen erakundearen izenean dauden fakturen bidez egiaztatutako transakzio ekonomiko bat dakartenak baino ez dira onartuko, eta beste erakunde batzuek zuzenean ordainduko dituztenak ez dira onartuko.

Ez dira diruz laguntzeko gastutzat joko erakunde eskatzailearen egitura kudeatzeagatik sortutako gastuak (langileen gastuak, lokalak mantentzeko gastuak, egitura funtzionala mantentzeko gastuak...).



Udalen batek kultur zerbitzuen kontratu integrala kanpoko enpresa bati esleitu badio, aurkeztutako kostuen aurrekontuaren % 25 kenduko da, beste erakunde eskatzaile batzuekin parekatzeko, ez baitira aintzat hartzen udaleko kultur sailaren beraren funtzio-namenduak sortutako gastuak (langileen gastuak, lokalak mantentzeko gastuak, garbitasuna, segurtasuna, komunikazioak eta inbertsioak, eta abar).

4. Foru dekretu honen helburua erakunde eskatzaileen ekintzak babestu eta osatzea da; hori dela eta, ez dira inoiz finantzatuko jarduera egiteagatik sortutako gastu guztiak.

2. oinarria.— Erakunde onuradunak

1. Foru dekretu honen onuradun izan daitezke, eskabidearen datan indarrean dauden biztanleen azken udal eroldaren arabera, 5.000 biztanle baino gutxiago dituzten Bizkaiko udalerritako udalak eta haien udal erakunde autonomoak, baldin eta 2005eko maiatzaren 31ko 5/2005 Foru Arauaren 12. artikuluan jasotako ezein egoeratan ez badaude eta beren jardun-eremuan kultura zabaldu eta sustatzeko programak kudeatzen badituzte.

2. Sexua dela-eta inor baztertzegatik administrazio-zehapenik edo zehapen penalik jaso duten erakundeek ezin izango dute dekretu honetan araututako deialdian parte hartu, dagokien zehapena indarrean dagoen bitartean; halaber, Emakumeen eta Gizonen Berdintasunerako ekainaren 20ko 4/2018 Foru Agindua dela-eta debeku hori ezarri zaienak ere dekretu honek arautzen duen deialditik kanpo geldituko dira.

II. TITULUA

ARAUBIDE JURIDIKOA

3. oinarria.— Aplikatu beharreko araudia

Foru dekretu honetan jasota ez dagoenerako, honako hauek ezarriko dira: Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Araua, 2010eko martxoaren 23ko 34/2010 Foru Dekretuaren bidez onetsitako Diru-laguntzen Erregelamendua, eta, haien guztien osagarri moduan, Administrazioen Publikoen Administrazio Prozedura Erkidearen 2015eko urriaren 1eko 39/2015 Legea, Sektore Publikoaren Araubide Juridikoaren 2015eko urriaren 1eko 40/2015 Legea eta beste edozein arau xedapen, duen izaeragatik ezartzeko modukoa baldin bada.

4. oinarria.— Arau-hausteak eta zehapenak

Arau-hauste eta zehapenei dagokienez, Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Arauaren IV. tituluaren xedatutakoa ezarriko da, bai eta arau hori garatzen duen erregelamenduaren IV. tituluaren xedatutakoa ere.

III. TITULUA

PROZEDURA

5. oinarria.— Eskabideak aurkezteko lekua eta epea

1. Administrazio Publikoen Administrazio Prozedura Erkidearen urriaren 1eko 39/2015 Legearen 14.2.a) artikulua arabera, diru-laguntzetarako eskabideak Bizkaiko Foru Aldundiaren egoitza elektronikoaren bidez aurkeztu beharko dira (<https://www.ebizkaia.eus/es/inicio>).

2. Eskabideak aurkezteko epea 2019ko apirilaren 15tik maiatzaren 15era izango da, egun bi horiek barne.

**6. oinarria. — Eskabidearekin batera aurkeztu behar diren agiriak**

1. Eskabideak aurkezteko, Bizkaiko Foru Aldundiaren egoitza elektronikoa bete eta aurkezteko dauden eredu espezifikoak erabili behar dira (<https://www.ebizkaia.eus/eu/hasiera>), 39/2015 Legearen 66.6 artikuluan ezarritakoarekin bat.
2. Dokumentazio orokor eta espezifiko hau erantsi beharko da:
 - a) Banku-helbideratzearen fitxa, behar bezala beteta, alta edo aldaketaren bat egon bada, bakarrik.
 - b) Jarduera bakoitzaren proiektu zehatza; bertan datu hauek eman behar dira, gutxienez:
 - 1) Proiektuaren deskripzioa. Haren barruan, azalpen-memoria bat jasoko da, proiektua osatzen duten jarduerak zehaztuko dira, eta udalerriko kultura arloan duen garrantzia (haren edizioak eta udalerriko kultura-tradizioan duen inplikazioa) azalduko da, eta, horrez gainera, proiektuaren bidez udal mailan garatuta ez dauden kultura arloetan eragin beharra ere adieraziko da.
 - 2) Lortu nahi diren helburuak.
 - 3) Proiektua non eta noiz egingo den.
 - c) Eskabidea egiten duen udaleko idazkariak edo kontu-hartzaileak emandako ziurtagiria; ziurtagiri horretan adieraziko da zenbat biztanle dituen udalerririk, eskabidea egiten den unean eta indarrean den biztanleriaren azken eroldaren arabera.
 - d) Eskabidea egiten duen udaleko idazkariak edo kontu-hartzaileak emandako ziurtagiria; ziurtagiri horretan, 2019. urterako aurrekontu osoa eta kulturarako dagoen aurrekontu-partida adieraziko dira (arloan hauek kenduta: euskara, gazteleria eta kirolak, hezkuntza eta gizarte ekintza). 2019ko aurrekontua onartu barik egongo balitz, indarrean dagoen luzatutako aurrekontuari buruzko aipamena duten gastuak bidaliko lirateke.
3. Eskaera hau sinatuta baimena ematen zaio Euskara eta Kulturako Foru Sailari Ogasunaren, eta Gizarte Segurantzaren ziurtagiriak eskatzeko, Diru-laguntzei buruzko maiatzaren 31ko 5/2005 Foru Arauko 21.3 artikuluan ezarritako ondorioetarako. Horretarako, beharrezkoa da egoitza Bizkaiko Lurralde Historikoan izatea.

7. oinarria. — Eskabideak zuzentzea eta hobetzea

1. Eskabideak behar bezala beteta ez badaude, edo eskabidearekin batera foru dekretu honetan eskatutako agirietakoren bat aurkeztu ez bada, errekerimendua egingo zaio eskatzaileari, 10 egun balioduneko epearen barruan akatsa zuzendu edo beharrezko agiriak aurkez ditzan. Era berean, ohartaraziko zaio ezen, hala egiten ez badu, eskaeran atzera egin duela ulertuko dela eta, behin ebazpena emanda, eskaera artxibatu egingo dela.
2. Edonola ere, Kultur Ekintzako Zerbitzuak aurkezten diren eskabideak behar bezala ulertzeko eta ebaluatzeko beharrezkotzat jotzen duen informazio osagarri guztia eskatu ahal izango du.

8. oinarria. — Diru-laguntza emateko prozedura

Diru-laguntza horiek norgehiagoka sistemaren bidez emango dira, hau da, epaimahai kalifikatzaile bat eratuko da eta aurkeztutako eskabideak alderatuko ditu, 9. oinarrian ezarritako ebaluazio-irizpideak kontuan hartuta, eskabideen arteko lehenetsun-hurrenkera ezartzeko. Foru diru-laguntzak puntuaziorik altuenak lortu dituztenei emateko proposamena aurkeztuko du, betiere aurrekontu-partidan ezarritako zenbatekoa muga izanik.

9. oinarria. — Eskabideak ebaluatzeko irizpideak

1. Diru-laguntzetarako eskabideei buruzko ebazpen-proposamena egiteko eta haien zenbatekoa zehazteko, epaimahai kalifikatzaileak ondorengo irizpideak eta haien haztapena hartuko ditu kontuan. Gehienez, 100 puntu emango dira, honela banatuta:



- a) Proiektua zer diziplina kulturaletan sartzen den: 25 puntu, gehienez. Irizpide honen ebaluazioa eta puntuen banaketa honela egingo dira:
- 1) Folklorearen arloa: euskal dantza tradizionala, beste leku batzuetako dantza tradizionala, antzezpen herrikoiak (Olentzero, San Juan, kabalgatak...): 15 puntu.
 - 2) Arte eszenikoen arloa: musika garaikidea, elektronikoa, esperimentala, popa, rocka, punka, heavya, hardcorea, jazz, gospela edo beste edozein herri-musika, baita arte eszenikoen arlo honi buruzko edozein prestakuntza-tailer ere: 15 puntu.
 - 3) Arte eszenikoen arloa: musika klasikoa, dantza klasikoa, dantza modernoa, dantza garaikidea eta edozein antzerki mota, klasikoenetik esperimentale-nera, baita arte eszenikoen arlo honi buruzko edozein prestakuntza-tailer ere: 25 puntu.
 - 4) Ikus-arten eta ikus-entzunezko arteen arloa (edozein adierazpen artistiko); literatur sustapenaren arloa (hizketaldiak, konferentziak, eztabaidak, liburu-erakundeak, etab.): 25 puntu.

Proiektu bereko jardueri puntuazio bat baino gehiago badagokie aurreko lerroal-deko banaketaren arabera, puntu gehien dituen jardueraren arabera balioztatuko da proiektu osoa.

- b) Proiektua garatzeko lurralde-eremua, kultura-eskaintzaren lurralde mailako oreka ahalbidetzeko: 20 puntu, gehienez. Puntuak honela banatuko dira:
- 1) Nerbioi/Ibaizabal, Ezkerraldea, Mungialdea eta Uribe Kosta eskualdeetako 5.000 biztanle baino gutxiagoko udalerririk: 10 puntu.
 - 2) Txorierrri, Arratia, Durangaldea eta Busturialdea eskualdeetako 5.000 biztanle baino gutxiagoko udalerririk: 15 puntu.
 - 3) Enkarterri eta Lea-Artibai eskualdeetako 5.000 biztanle baino gutxiagoko udalerririk eta Urduñako Hiria: 20 puntu.
- c) Udalerririk biztanle kopurua: 30 puntu, gehienez. Udalerririk ekintza positiboko kultur politikak sustatzeko, honako puntuazio hauek emango dira:
- 1) 1.000 biztanle edo gutxiago dituzten udalerririk: 30 puntu.
 - 2) 1.001 biztanletik 1.500 biztanlera bitartekoak: 25 puntu.
 - 3) 1.501 biztanletik 2.000 biztanlera bitartekoak: 20 puntu.
 - 4) 2.001 biztanletik 2.500 biztanlera bitartekoak: 15 puntu.
 - 5) 2.501 biztanletik 3.500 biztanlera bitartekoak: 10 puntu.
 - 6) 3.501 biztanletik 4.999 biztanlera bitartekoak: 5 puntu.
- d) Udal aurrekontuaren barruan kultur arloko gastuari (euskara, gazteria eta kirolak, hezkuntza eta gizarte ekintza alde batera utzita) dagokion ehuneko, udalerririk biztanle-kopuruaren arabera haztatua: 15 puntu, gehienez.
- Irizpide honen arabera eta kulturarako hasierako aurrekontua abiapuntutzat hartuta, biztanle bakoitzeko kultura-gastua kalkulatu da; ratio horretan baliorik handiena lortzen duen erakundeari emango zaio puntuaziorik altuena, eta gainerako udalerririk puntuazioa hirukotearen erregela erabiliz lortuko da.
- e) Proiektuaren finantzazio maila, jarduerak berak sortzen dituen sarreraren bidez eta beste babesle publiko eta pribatuaren ekarpenen bidez: 10 puntu, gehienez.
- Kasu honetan, proiektuaren aurrekontua abiapuntutzat hartuta, kalkulatu da aurrekontuaren zein ehuneko diren jardueraren berezko diru-sarrerak eta beste babesle publiko eta pribatuaren ekarpenak. Ondorioz, ratio horretan baliorik handiena lortzen duen erakundeari emango zaio puntuaziorik altuena, hau da, 10 puntu, eta gainerako udalerririk puntuazioa hirukotearen erregela erabiliz lortuko da.
2. Epaimahaiaren iritziz gutxienez ere 30 puntu lortzen ez dituzten proposamenak ezetsi egingo dira.



3. Diru-laguntzen zenbatekoa jardueraren aurrekontu osoaren % 50 izango da, gehienez, aurrekontua behin aztertu eta dagozkien doikuntzak egin ostean.

4. Indarrean dagoen Diru-laguntzei buruzko Erregelamenduaren 27. artikuluan zehazten denarekin bat, emandako diru-laguntza zehazteko ehuneko bat aplikatuko zaio eskatzaileak jarduerarako aurkeztutako aurrekontuari, edo aurrekontu horren ondorengo aldaketei.

Ehuneko hori erreferentzia gisa erabiliko da diru-laguntzak jardueraren amaierako kostuarekiko izango duen behin betiko zenbatekoa zehazteko.

10. oinarria. — Aholkularitza

Euskara eta Kultura Saileko Kultur Ekintzako Zerbitzuak behar den laguntza teknikoa edo aholkularitza eskainiko ditu foru dekretu hau dela-eta sortutako zalantza edo kontsulta guztiak argitzeko, (horretarako, <http://www.bizkaia.eus/laguntzaileKulturEkintza> helbidea erabil daiteke).

11. oinarria. — Epaimahai kalifikatzailea

1. Epaimahai kalifikatzaile bat osatuko da aurkeztutako eskabideak aztertu eta ebaluatzeko. Epaimahaikideak Euskara eta Kulturako foru diputatuak izendatuko ditu, foru agindu bidez. Izendapen horiek egiteko, Emakumeen eta Gizonen berdintasunerako ekainaren 20ko 4/2018 Foru Aginduaren 44 artikuluan ezarritakoa beteko da.

2. Epaimahai kalifikatzaileak, diru-laguntzak emateko irizpideak kontuan hartuta, ebazpen-proposamena aurkeztuko dio Euskara eta Kulturako foru diputatuari, behin betiko ebazpena eman dezan.

12. oinarria. — Ebazpena

1. Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Arauaren 22.4. artikuluan xedatutakoa betez, interesdunek, deialdi honetan, ez dute entzunaldiaren izapiderik izango behin-behineko ebazpen-proposamenaren ondoren, zeren prozeduran ez baitira jaso eta kontuan hartuko interesdunek ekarri dituzten egitateak, alegazioak eta frogak baino.

2. Deialdia ebatzi baino lehen, Kultur Ekintzako Zerbitzuak egiaztatuko du ea eskatzaileek egunean dituzten zerga-betebeharrak eta Gizarte Segurantzari dagozkionak. Egiaztapena egin ondoren, ikusten bada eskatzailearen batek betebeharrak horietako edozein ez duela betetzen, errekerimendua egingo zaio 10 eguneko epean egoera hori erregulariza dezan, eta ohartaraziko zaio, horrela egiten ez badu, eskaeran atzera egin duela ulertuko dela.

3. Eskabideei buruzko ebazpena emateko eta jakinarazteko epea sei (6) hilabeteak izango da gehienez, eskabideak aurkezteko epea amaitzen denetik zenbatuta. Euskara eta Kulturako foru diputatuak emango du ebazpena, epaimahai kalifikatzailearen proposamena kontuan hartuta.

Epe hori eskabideari buruzko ebazpen espresurik eman eta jakinarazi gabe igarotzen bada, eskabidea ezetsizat joko da; hala ere, geroago ebazpen espresua eman ahal izango da.

4. Deialdi hau ebazteko ematen den foru agindua deialdi publiko honetarako eskabidea aurkeztu duten interesdunei jakinaraziko zaie; horretarako, iragarkia argitaratuko da Bizkaiko Aldizkari Ofizialean. Posta ziurtatu bidez ere jakinaraziko zaie interesdunei. Egoitzan agertzeko sistemaren bidez ere jakinaraziko da.

Jakinarazpen horrek beren-beregi jasoko du ebazpenak administrazio bidea bukatzen duela, eta interesa duen herri administrazioak bi hileko epea duela administrazioarekiko auzi-bidetik errekurritzeko, ebazpena jakinarazi eta biharamunetik zenbatzen hasita. Aurrez errekerimendua egin bada —Administrazioarekiko Auzien Jurisdikzioa arautzen duen 1998ko uztailaren 13ko 29/1998 Legearen 44. artikuluan zehazten denaren arabera—, orduan, errekurtsioa aurkezteko epea beren-beregiko erabakiaren ja-



kinarazpena jaso eta biharamunean hasiko da zenbatzen edo, bestela, ustez ezetsizat jo eta biharamunean.

13. oinarria. — Beste diru-laguntza batzuekiko bateragarritasuna

1. Foru dekretu honetako diru-laguntzak bateragarriak izango dira helburu bererako Estatuko, Europar Batasuneko edo nazioarteko edozein administrazio edo erakunde publikok zein pribatuk ematen dituzten diru-laguntza, laguntza, diru-sarrera edo balia-bideekin. Horren salbuespena izango dira Bizkaiko Foru Aldundiko beste edozein foru sailek edo Euskara eta Kulturako Foru Saileko edozein zuzendaritza nagusik emandako diru-laguntzak.

2. Diru-laguntza emateko kontuan hartutako baldintzaren baten aldaketak, eta dena dela, aldi berean estatuko edo nazioarteko beste administrazio edo erakunde publiko edo pribatuek emandako beste diru-laguntza edo laguntza batzuk lortzeak, diru-laguntza emateari buruzko ebazpena aldatzea ekar dezakete, foru dekretu honen bitartez araututako diru-laguntzei doakien zenbatekoa, bera bakarrik edo beste diru-laguntza edo laguntzaren batekin batera, inola ere ez baita izango erakunde onuradunak garatuko duen jardueraren kostua baino handiagoa.

IV. TITULUA

DIRU-LAGUNTZAK KUDEATZEA ETA JUSTIFIKATZEA**14. oinarria. — Diru-laguntza ordaintzea**

1. Diru-laguntza emateko foru agindua Bizkaiko Aldizkari Ofizialean argitaratu eta ondorengo 10 egun baliodunetan erakunde onuradunak ez badio beren beregi eta idatziz uko egiten, diru-laguntza onartu duela ulertuko da.

Diru-laguntza eman dela Bizkaiko Aldizkari Ofizialean argitaratu ondoren, 10 egun baliodun igaro eta berehala, Kultur Ekintzako Zerbitzuak hari dagokion zenbatekoaren ordainketa izapidetuko du Ogasun eta Finantzen Foru Sailean, eta erakunde onuradunei ez zaie horretarako inolako bermerik eskatuko.

2. Diru-laguntza ordaindu baino lehen, onuradunek zerga-betebeharrak eta Gizarte Segurantzarekikoak egunean dituztela egiaztatuko da.

Hori egiaztatu ondoren ikusten bada onuradunetako batek betebehar horietako bat, edozein, ez duela betetzen, errekerimendua egingo zaio 10 eguneko epean egoera hori erregulariza dezan, eta ohartaraziko zaio, horrela egiten ez badu, emandako diru-laguntza jasotzeko eskubidea galduko duela.

15. oinarria. — Diru-laguntza onuradunaren borondatez itzultzea

1. 2010eko martxoaren 23ko 34/2010 Foru Dekretuaren 76. artikuluan xedatutakoaren arabera (dekretu horren bidez, Diru-laguntzen Erregelamendua onesten da, 2005eko maiatzaren 31ko 5/2005 Foru Araua garatzen duena), onuradunak bere ekimenez itzuli ahal izango du Bizkaiko Foru Aldundiak emandako diru-laguntza, foru erakundeak aurretik hala eskatu gabe.

Halakoetan, Bizkaiko Foru Aldundiak diru-laguntza benetan itzultzen den arte sortutako berandutze-interesak kalkulatuko ditu, aipatutako 76. artikuluan eta 5/2005 Foru Arauaren 34. artikuluan ezarritakoarekin bat etorrira.

2. Erakunde onuradunak ordainketa-gutun bat erabili behar du diru-laguntza forala bere ekimenez itzultzeko. Ordainketa-gutun hori Kultur Ekintzako Zerbitzuaren bulegoetan izapidetuko da, onuradunak eskaera aurkeztu eta gero. Ordainketa-gutunean honako hauek adierazi behar dira: itzuli beharreko zenbatekoa (printzipala eta berandutze-interesak), ereduaren kodea eta diru-sarreraren zergatia. Itzuli behar den diru-laguntza ere aipatu behar da.

3. Diru-laguntzaren onuradunak finantza-erakunde batean ordainketa egin ondoren, ordainketaren kopia edo diru-sarreraren frogagiria bidali beharko dio Euskara eta Kultura Saileko Kultur Ekintzako Zerbitzuari.

**16. oinarria. – Justifikazioa egiteko epea eta era**

Foru-dekretu honen bitartez araututako diru-laguntzen erakunde onuradunek honako konpromiso hauek bete beharko dituzte:

- 1) Jarduera 2019ko ekitaldian egin behar dute.
- 2) Bizkaiko Foru Aldundiaren martxoaren 23ko 34/2010 Foru Dekretuaren bidez onetsitako Diru-laguntzei buruzko Erregelamenduaren 57. artikularekin bat etorrita, Bizkaiko Foru Aldundiko Euskara eta Kultura Sailean justifikatzea jarduerak egin direla, laguntza ematea eragin zuten baldintzak bete direla, eta diruz lagundu den proiektuari dagokion gastua nola aplikatu den ere bai. Horretarako, honako agiri hauek aurkeztu behar dira, egoitzan, 2020ko martxoaren 27ra arte (egun hori barne):
 - a) Diru-laguntza ematerakoan ezarritako baldintzak bete direla justifikatzen duen jarduera-txostena, egindako jarduerak eta lorturiko emaitzak adierazita.
 - b) Egindako jardueren kostua justifikatzen duen txosten ekonomikoa, honako alderdi hauek jasotzen dituena:
 - 1) Proiektuari egotzitako sarreraren eta gastuen egoera-orria, egoitzan dagoen ereduaren arabera.
 - 2) Gastu-partida bakoitzean, diru-laguntza jaso duen jardueraren gastuen zerrenda, egoitzan dagoen ereduaren arabera.

Bizkaiko Foru Aldundiak berak egoki irizitako laginketa-teknikak aplikatuko ditu frogagiriok egiaztatzerakoan, diru-laguntza egoki aplikatzeari buruzko zentzuzko ebidentziak lortu ahal izateko. Eta, horretarako, onuradunari eskatu ahal izango dio bidaltzeko aukeratutako gastu-egiaztagiriaren kopia, bai eta haiek ordaindu izanaren egiaztagiriak ere.
 - 3) Diruz lagundutako jarduera finantzatzen duten diru-laguntzen, laguntzen, sarreraren edo baliabideen xehetasuna, eta, hala bada, finantzaketa propioarena ere bai. Xehetasun hori egoitzan dagoen ereduaren arabera egingo da.
 - 4) Diruz lagundutako gastuaren aurrekontua justifikatzeko, 2005eko maiatzaren 31ko 5/2005 Foru Arauaren 29.3 artikuluan xedatutakoaren arabera, foru diru-laguntzaren erakunde onuradunak egiaztagiriak aurkeztu behar ditu, gutxienez hiru hornitzailek egin dizkioten eskaintzak justifikatzeko, baldin eta administrazio-kontrataziorako araudian kontratu txikirako ezarritako zenbatekoak gainditzen badira, salbu eta kontratuaren ezaugarri bereziak direla-eta merkatuan ez badago halakorik egin dezakeen erakunde nahikorik edo gastua eskabidea aurkeztu aurretik egin bada.

Aurkezten diren eskaintzen artean aukeratzeko, efizientzia- eta ekonomia-irizpideen arabera jokatu da. Hala, proposamen ekonomikorik onena aukeratzeko ez denean, beren-beregi justifikatu beharko da inguruabar hori, memoria baten bidez.
 - c) Egitaraua gauzatzeko prestatutako esku-egitarau, kartel, argazki, argitalpen, ikus-entzunezko eta informatikako materialen aleak, baita beste edozein motatako agiri grafikoren aleak ere; haietan, erraz ikusteko eran agertu behar da jardueraren horretarako Bizkaiko Foru Aldundiak diru-laguntza eman duela. Horretarako, Bizkaiko Foru Aldundiaren erakunde-elementuak sartuko dira material horietan, foru dekretua honen 17. oinarriaren f) letran ezarritakoarekin bat etorrita. Bete-behar hori laguntza eman zaiela jakinarazi ondoren egindako jarduerari bakarrik dagokie.

17. oinarria. – Diru-laguntzaren onuradunaren beste betebeharrak

Onuradunak betebeharrak hauek ere izango ditu:

- a) Diru-laguntza emateko orduan kontuan hartu den edozein alderdi objektibo edo subjektibok aldaketarik izan badu, horren berri ematea diru-laguntza eman diotari, egoitzaren bidez .



- b) Egoitzaren bidez, jardueraren hasiera-dataren eta amaiera-dataren berri ematea diru-laguntza eman dionari, idatziz. Halaber, diruz lagundutako jarduera kontrolatzeko, haren jarraipen egiteko edo jarduera ikuskatzeko eginkizunak edo ahalmenak gauzatzeko lanak erraztu beharko ditu.
- c) Euskara eta Kulturako Foru Sailari laguntzea, hala eskatzen bazaie, eta erakundearen gaineko edozein informazio ematea (azterlanak, inkestak, datu estatistikoak, etab.).
- d) Euskara eta Kultura eta Ogasun eta Finantza sailek eta Herri Kontuen Euskal Epaitegiak egiaztatzeke egin dezaketean behar beste jardun onartzea.
- e) Diru-laguntza eman ondoren editatutako material guztietan eta jendaurreko agerpen guztietan, Bizkaiko Foru Aldundiaren babes agerraraztea. Horretarako, Bizkaiko Foru Aldundiaren irudi korporatiboan ezarritako elementuak baliatuko dira, eta logotipoaren aldamenean esaldi hau agertuko da, hitzez hitz:
«Bizkaiko Foru Aldundiaren babestutako ekintza/Actividad subvencionada por la Diputación Foral de Bizkaia»
Euskara hutsean garatutako proiektuetan, euskararen txantxangorriaren irudia sartu beharko da ere.
- f) EAEko hizkuntza ofizial biak erabiltzea diru-laguntzaren xede den jardueraren publizitatean eta zabalkundeetan, bai euskarri grafikoan bai ikus-entzunezko komunikabideetan (era guztietako iragarkiak, kartelak, liburuxkak...).
- g) Emakumeen eta gizonen berdintasuna sustatzea lanpostuen definizio, sarbide, kontratazio eta irautegipenean, lanbide-sailkapenean, sustapenean, prestakuntzan, laneko segurtasun eta osasunean, ordainsari-politikan, erantzunkidetasunean, bizitza pertsonal, lan-bizitza eta familia-bizitza uztartzearen arloan, lanaren kalitate eta egonkortasunean, lanaldiaren iraupen eta antolamenduan, ekintza sindikal, ordezkaritza eta negoziazio kolektiboan, betiere diskriminaziorik sortzen ez duten lan-baldintza duin eta gizalegezkoak bermatuta.
- h) Zaintzea emakumeen eta gizonen tratamendua, protagonismoa eta balorazioa baliokideak izan daitezen, eta berdintasuna, presentzia orekatua, dibertsitatea, erantzunkidetasuna, eta generoaren rol eta identitateen aniztasuna balio dituen irudi bat sustatzea idatzizko zein ahozko komunikazioetan, ikonografian, publizitate-ekintzetan, barruko zein kanpoko komunikazio formal eta informalean, eta proiektuari edo jarduerari lotutako edo proiektua edo jarduera egiteko sortutako materialetan.
- i) Diruz lagundutako proiektua gauzaten den bitartean, ez erabiltzea hizkera sexistarik dokumentuetan, ikus-entzunezkoetan eta gisakoetan (idatzizkoetan zein digitaletan), eta pertsonen buruzko edozein estatistikatan datuak sexuaren arabera bereiz jasotzea, hala ezartzen baitu arlo horretan gorde behar diren printzipio nagusiak jasotzen dituen Emakumeen eta Gizonen Berdintasunerako ekainaren 20ko 4/2018 Foru Aginduaren 3 artikulua.
- j) Bizkaiko Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Arauaren 13. artikuluan eta Bizkaiko Foru Aldundiaren 2010eko martxoaren 23ko 34/2010 Foru Dekretuaren bidez onetsi den Diru-laguntzen Erregelamendua 54. artikuluan eta hurrengoetan ezarritako gainerakoak.
- k) Deialdi honi dagokionez, diru-laguntza foral baten onuradunek bete egin behar dituzte 5/2005 Foru Arauaren 27. artikuluan eta Diru-laguntzen Erregelamendua 53. artikuluan azpikontratazioa dela-eta zehazten diren betekizunak eta debekuak.

Gehienez ere, diruz lagundutako jardueraren zenbatekoaren % 90 azpikontratatu ahal izango dute.

**18. oinarria. — Itzultzea**

1. Jasotako diru-laguntza eta dagozkion berandutze-interesak itzuli beharko dira, baldin eta ez badira betetzen aurreko oinarrietan, maiatzaren 31ko 5/2005 Foru Arauaren 33. artikuluan edo foru arau hori garatzen duen Erregelamenduan jasotako bete-beharretariko bat edo batzuk. Besteak beste, honelakorik gertatzen bada:

- a) Justifikatu beharreko guztia justifikatzen ez bada.
- b) Emandako diru-laguntzari dagokion helburua bete ez bada.
- c) Proiektua egiteko epea bete ez bada.
- d) Diru-laguntza horretarako eskatutako baldintzak bete gabe lortu bada.
- e) Ezarritako kontrol-jarduerak egiteari uko egiten bazaio edo eragozpenak jartzen badira.
- f) Foru dekretu honetan ezarritako gainerako baldintzak betetzen ez badira.

2. Diru-laguntza jaso duen jarduketaren kostua baino finantzaketa handiagoa jasotzen bada, laguntza itzuli egin beharko da.

3. Era berean, emandako diru-laguntza itzuli beharko da, dagokion proportzioan, baldin eta jardueraren amaierako kostua aurrekontuan adierazitakoa baino txikiagoa bada.

19. oinarria. — Aurrekontuko partida

1. Deialdi honetako diru-laguntzak emateko 2019. urtean indarrean dagoen aurrekontu muga hau da:

Hirurehun mila euro (300.000) euro, 2019ko ekitaldiko aurrekontuko partida honen kargura ordainduko da: 0405 G/334104/43299/0000 2007/0207 proiektua.

2. Deialdiko eskabide guztiak ebatzi ondoren, guztira diru-laguntzetarako emandako diru kopurua aurrekontu-muga baino txikiagoa balitz, gastu-baimenaren ezeztapena tramitatuko litzateke, soberan den zenbatekoan.

AZKEN XEDAPENAK**Azken Xedapenetako Lehenengoa. — Ahalmena ematea**

Ahalmena ematen zaio Euskara eta Kultura Saileko foru diputatuari foru dekretu hau garatzeko beharrezkoak diren xedapen guztiak eman ditzan.

Azken Xedapenetako Bigarrena. — Indarrean jartzea

Foru dekretu hau Bizkaiko Aldizkari Ofizialean argitaratu eta biharamunean jarriko da indarrean.

Bilbon, 2019ko otsilaren 26an.

Euskara eta Kulturako foru diputatua,
LOREA BILBAO IBARRA

Ahaldun Nagusia,
UNAI REMENTERIA MAIZ